



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

X. Negotium illud pacis consummavit Theodosius, missa ad Damasum  
illustri legatione, ut ei significaret ordinationem Nectarij.

**urn:nbn:de:hbz:466:1-15617**

Theodosium rescriperint nihil habuisse se in quo de episcopatu ejus dubitare possent, cum etiam vim sibi repugnanti a plerisque etiam de populo & clero testatus esset illatam, neque aliter redintegrari posse concordiam inter occidentales & orientales, qua propter hanc causam soluta & dissociata fuerat, quam si posthabita & cassata Nectarij ordinatione, Maximus, utpote prior ordinatus, sedi Constantinopolitanæ reddetur; si vero obtineri id non posset, certè causam utriusque coram Damaso retractaretur in synodo Romana, ad quam Episcopi ex Occidente & Oriente convenienter.

VII. Huic Concilio Aquileiensi præfuisse Ambrosium Episcopum Mediolanensem vetera illorum temporum monumenta probant. Auctor vero Synodici addit Acholium quoque Thessalonicensem synodi præsidem unam cum Ambrosio fuisse; cum tamen ille neque in epistolis synodis nominatus inventiatur, neque in Actis quæ nunc extant ejusdem Concilij. Ex eo tamen synodici loco viri clarissimi Lucas Holstenius & Petrus Franciscus Chiffletius collegunt Acholium Damasi Legatum fuisse in Concilio Aquileiensi, eo nimur argumento persuasi, quod synodo Aquileiensi, quæ in Italia cogebatur extra Dioecesum Illyricianam, interesse non potuerit nisi sub umbra legationis apostolicae sedis. Ego vero fateor valde dubitare me an Acholius præsens fuerit in Concilio Aquileiensi. Ceterum huic interfuisse potuit etiam ut Episcopus Thessalonicensis, utpote unus Episcoporum Occidentis, adeo ut opus non sit recurrere ad vices Damasi. Immo Legatum ejus illuc non fuisse vel ex eo colligerem (tametsi concederem illum interfuisse synodo) quod primum ubique locum obtinet Ambrosius in epistolis synodis, in quibus Acholius ne nominatur quidem, quod est omnino infra dignitatem ejus qui Vicarius esset Romani Pontificis. Nunc ad causam Maximi & Nectarij revertarum.

VIII. Imperialibus itaque literis, ut Hieronymus ait, Roman ob dissensionem Constantinopolitanæ, Antiochenæ, & Hierosolymitanæ Ecclesiarum contractis Orientis & Occidentis Episcopis anno CCCLXXXII. adfuit etiam Acholius, unus videlicet occidentalium, orientales vero Constantinopolis substituerunt, tametsi & Imperatorum rescriptis & occidentalis Concilij literis Roman evocati fuissent. His literis occidentales, ut ex orientalium epistola colligitur, hortabantur orientales ad pacem Ecclesiarum, nominatim agentes de ordinatione Nectarij, cuius causam in synodo Romana retractandam

esse contendebant juxta postulata prioris synodi. Adfueritne Maximus, annou, à nemine traditum invenio. Probabile tamen est adfuisse in synodo quæ propter eum celebrabatur, & quam Episcopi Italiæ, gratificari ei cupientes, ab Imperatoribus congregari petiverant; præsertim cum ipse a verlos a se videns animos Episcoporum orientalium ac Theodosij Augusti, quorum studia ad Nectarium conversa erant, in Italiam se contulisset, ut causam in synodo ageret suam, quemadmodum loquuntur Episcopi Concilij Italiæ ad Theodosium. Ut cunque se res habeat, certum est causam Maximi tristes exitus habuisse, meliorēmque fuisse Nectarij conditionem.

IX. Rediit deinde Ecclesiis concordia post scriptam ab orientalibus epistolam ad Damasum Papam & ad synodum Romanam, quæ extat apud Theodoreum; in qua jure factam Nectarij ordinationem pertinacissime, licet verbis per quam modestis, affirmabant. Nam hæc omnino sunt verba eorum: *De administrationibus autem quæ sunt cunctæ Ecclesie proprie, cùm vetus, utinam, lex est, tam sanctorum patrum in Niceno Concilio decisio, ut videlicet singularum provinciarum antistites, unam cum finitimis, modo ipsis ita visum fuerit, Episcopis, ministros ad Ecclesiarum commodum in suis ipsorum provinciis ordinent. Ex cuius legis & definitionis prescripto scitote tum alias quæque Ecclesiæ apud nos administratas esse, tum illustrissimarum Ecclesiarum Sacerdotes delectos. Unde Ecclesie Constantinopolitana reccens, ut ita dicam, edificate, quæcumque ex hereticorum blasphemia tanquam ex ore leonis permisericordiam Dei nuper eripimus, reverendissimum sanctissimumque Nectarium in Concilio generali, communii omnium consensu, presente Theodosio Imperatore religiosissimo, totius denique Cleri totiusque civitatis suffragiis, Episcopum constituius.* Et infra: *Quibus rebus tanquam legitime & secundum Ecclesiæ canones constitutis obsecramus vestram reverentiam uti congratuletur, spiritali caritate nos mutuò devinciente, & timore Domini, qui omnem humanam affectionem reprimit, Ecclesiarumque edificationem amori illi & benevolentie, qua singuli singulos complectuntur, longè anteponit.*

Vide infra lib. 74 c. 4. §. 10.

X. Negotium illud pacis & concordiae prudenti usus consilio consummavit Theodosius Imperator, misa ad Damasum illustri legatione, ut ei significaret ordinationem Nectarij, quæ communii omnium consensu sub praesenti Principis & Concilij generalis peracta fuerat, utque formatam, id est, literas communicatorias, pacis symbolum, ab eo ad Nectarium mitti secundum morem debere insinuaret. Memoriam tantæ rei de-

H

Tom. II.

## De Concordia Sacerdotij

*Apud Holsten.*  
pag. 77.

bemus Bonifacio I. cuius hæc sunt verba ex epistola ad Episcopos Illyrios: *Clementissime recordationis Princeps Theodosius Nectarij ordinatem, propterea quia in nostra ( id est, ejus Pontificis qui tum apostolicæ fidei præsidebat, Damasi nimurum ) notione non esset, habere nos existimans firmitatem, missis è latere suo aulicis cum Episcopis formatam huic à sede Romana dirigi regulariter depoposit, que ejus sacerdotium roboraret. Tunc verò fractæ sunt graves illæ Concilij Italici minæ de quibus paulo antè dicebamus; pacatōque Damaso, pacata etiam est Italia. Valuit itaque ordinatio Nectarij.*

XI. Sed ut ad id revertamur quod de Acholio verè dicebamus, nimurum eum non tenuisse locum Damasi in secunda synodo cœcumenica, hinc etiam valida istius rei probatio peti potest, quod (ut suprā illustrissimus Archiepiscopus obseruavit tanquam rem positam extra omnem controversiam) certum sit eam synodum nullis ornata fuisse Romanæ Ecclesiæ Legatis. Vnde & Holstenius adnotat eam, quod absque auctoritate Damasi habita fuerit, pro generali habitam non fuisse ab Ecclesia Romana, quaenam nunquam ejus acta probavit. Quanquam si quis heic cum Holstenio contendere veller, opponere illi posset auctoritatem Photij, qui in libro de Synodis adnotat Damasum confirmasse secundam synodum cœumenicam.

*Quibus hand multò pôst, inquit, & Damasus Episcopus Rome eadem confirmans atque idem sensi accessit. Vnde & illustrissimus Cardinalis Baronius observat in annalibus ecclesiasticis hoc Concilium auctoritate Damasi obtinuisse nomen cœumenici Concilij. Nam & Papa Vigilius in epistolis ad Iustinianum Imp. & ad Menam Episcopum C.P. item in encyclica ad univerlam Ecclesiam, in qua exponit causas secessus sui ad sanctam Euphemiam, & quid ibi egerit cum Legatis Iustiniani, confessionem fidei suæ interserens, sanctam synodum Constantinopolitanam*

*Baron. ad an. 381.*

*Exstat in Appendice Cod. Theodos. pag. 213.*

*Gelas. I. in Decreto de libris apocryphi.*

*c. L. patrum numerat inter quatuor cœmenicas sive generales, exemplum prædecessori sui Gelasij fecutus. Pelagius quoque secundus confessionem fidei suæ mittens universo populo Dei, ita loquitur: De sanctis vero quatuor Conciliis, id est, Niceno trecentorum decem & octo, Constantinopolitano centum quinquaginta, Ephesino primo ducentorum, sed & Chalcedonensi sexcentorum triginta, ita me protegente divina misericordia sensisse & usque ad terminum vite mea sentire tota animo & tota virtute profiteor, uteas in sancte fidei defensione & damnationibus heresum atque hereticorum, utpote sancto firmatas Spiritu, omnimoda devotione custodiā. Et paulo pôst: Similem igitur*

*suprascriptis synodis reverentiam me semper exhibitorum esse confido. Et in epistola ad Childebertum Regem Francorum: Definitiones quoque de eadem catholica fide que in quatuor sanctis Conciliis statute sunt, sed & memorati Pontificis, id est, Leonis primi, quas universalis semper tenuit ac tenet Ecclesia, nos cum Dei auxilio tenere atque defendere presenti ad excellentiam vestram colloquio intimandum necessario judicavi.*

XII. Decessoris sui Pelagi vestigia premens Gregorius istius nominis primus, cu[m] deinde Magno cognomen hæsit, profitetur alibi se sancta quatuor Concilia, in quibus Constantinopolitanum istud secundo loco ponit, suscipere & venerari sicut sancti evangelij quatuor libros. Longum esset ire per singulos. Sed tamen prætermitti non debet testimonium Nicolai I. qui ad Michaëlem Imperatorem scripsit sanctam secundam synodum apostolicae sedis auctoritate fultam, Nectarij ordinationem in Ecclesia Constantinopolitana fieri decrevisse: *Et idcirco, inquit, bene & optime sancte secunda synodo apostolicae sedis auctoritate fulta ita de Nectarij placuisse testamur. Adferri quoque hoc loco debet testimonium Innocentij III. qui ad Hubaldum Episcopum Faventinum in Archiepiscopum Ravennatensem electum scribens anno M C C V I I. IV. Idus Februarij, antiquorum Pontificum prædecessorum suorum placitis inhærens, ita loquitur de Concilio isto Constantinopolitano; licet in facti specie lapsus sit, decretum Photiani Concilij tribuens secundæ synodo cœumenicæ. Vnde contra dictum Concilium, inquit, cum sit unum ex quatuor principalibus, que sicut quatuor Evangelia catholica Ecclesia veneratur, nullatenus videbatur eadem postulatio admittenda.*

XIII. Scio tamen adversus hæc posse reponi Romanam Ecclesiam suscepisse quidem definitionem fidei editam in hoc Concilio Constantinopolitano, ceterum canones illuc conditos rejecisse, juxta testimonium ejusdem sancti Gregorij, qui hæc ad Eulogium Episcopum Alexandrinum & Anataliam Antiochenum scribit: *Et canones quidem Constantinopolitanæ Concilij Eudoxianos quidamnare. Sed quis fuerit eorum auctor Eudoxius, nequaque dicunt. Romana autem Ecclesia eodem canones vel gesta synodi illius haec tenus non habet nec accepit; in hoc autem eandem synodum suscepit quod est per eam contra Macedonium definitum.*

XIV. Testimonium illud sancti Gregorij magna esse constat auctoritatis. Non video tamen quomodo convenire ei possit cum ceteris Pontificibus, qui profitentur absque ulla exceptione damnare se hæreses & hæ-